

Ñandejára Ñe'ẽ Mitãkuéra pe guarã Omoguahe peẽme

Tupã ra'y ára peteĩha



Ohai vaekue: Edward Hughes

Ohai vaekue Ava ñe'epe: www.christian-translation.com

Oha'ãnga hai vaekue: Janie Forest
Alastair Paterson

Ombojoja vaekue: Lyn Doerksen

Moñe'érã 54 – 60 gui



www.M1914.org

Bible for Children, PO Box 3, Winnipeg, MB R3C 2G1 Canada

Kuatia eipuru haguã ko mba'e: Nde ikatu ejapo copia o e imprimi ko
Ñandejára Ñe'ẽ ha ani rehepyme'eti.

Guarani

Peteĩ kuñakarai oĩ pe
yvyty ijaivúva ykere, pe
hesa ñembyasyva oma'e
hina pe mba'e ivaiva
oikovare. Imemby
omano hina. Pea ko
sy ha'e María ha ha'e
opyta vaekue pe
Jesús ojejukarõ
guare kurusure.



Mba'éicha oiko ra'e ko'áva
mba'e? Mba'éichapa Jesús
rekove porãite opa vaieterei?
Mba'ere Ñandejára oheja
Ita'ya omano pe
kurusure? Jesús
piko ojapo vai
mba'e he'irõ
mavapa raka'e
ha'e? Ñandejára
piko ojavy raka'e?



Nahaniri! Ñandejára ndojavýi. Jesús ndojavýi avei. Jesús oikuaa vaekue ojukataha chupe yvypóra aña kuéra. Pe Jesús imitã'iro guare Simeón he'ima vaekue María pe mba'e vai oikotava imembyre.

3




Jesús omano mboyvemi, peteĩ kuña ou hendape ha oñohe ipyre pe mba'e hy'akuã asyva. "Pea oñembosarai virure" ipochy Jesus temimbo'e kuéra. "Ha'e ojapo porã" he'i chupe kuéra Jesús. "Ha'e ojapo hina che ñeñotyraẽ". Mba'e ñe'ẽ he'iva Jesus!

4

Pea rire, Judas, umi pokõi Jesús remimbo'e kuéra apytepe gua, oñe'ẽ me'ẽ umi judio kuéra pe ohepyme'ẽ taha Jesús pe 30 itaĩ viru rehe.



5



Ojapohape pe judio kuéra karu guasu Páskua regua, Jesús okaru ipaha hemimbo'e kuéra ndive. Ha omombe'u chupe kuéra mba'e iporãva Ñandejára ñe'ẽ me'ẽ kuéra regua umi ohayhuva chupe pe guarã. Ha upéi Jesús ome'ẽ chupe kuéra mbuja ha peteĩ kaguy ryru ho'u haguã oñondive.


Pea omomrandu haguã chupe kuéra pe Jesús rete ha huguy oñeme'eta omopotĩ haguã ñane angaipa kuéra.

6

Upéi Jesús he'i iñangirũ kuérape iñañataha hendive hikuái ha oheja reita chupe hikuái. "Che ndorohejarei mo'ãi" he'i chupe Pedro. "Ndeko ereta hina nda che kuaáiha mbohapy jey pe gallo osapukai mbovyẽ".



7




Ha upe pyhare, Jesús oho oñembo'e pe Yvaty Getsemaní pe. Umi hemimbo'e kuéra ohovaekue hendive opyta oke. "Che ru..." oñembo'e Jesús, "... embohasa chehegui ko ñembyasy tuichaite. Opáichavo, anítei oiko pe che aipotáva, pe nde reipotávante toiko."

8


Ha upéi ogahe umi pa'i ruvicha remimbou kyse puku ha yvyra ipópe kuera, Judas hendive kuéra. Jesús ndojapoi mba'éve, ha Pedro katu oikyti inambi petei pa'i ruvicha remimbougui, Jesús opoko inambire ha omonguera jey chupe. Jesús oikuaa porã ko ñemuakasã ha'éha Ñandejára mba'epota.



Ha umi pa'i ruvicha remimbou ogueraha Jesúspe pa'i ruvicha rógape. Ha upepe umi judio ruvicha kuéra he'i Jesús omano vaerãha. Agüete, Pedro opyta umi tembiguai kuéra tataipy ykere ha oma'ë hina.



Mbohapy jey oma'ë Pedrore umi tembiguai kuéra ha he'i chupe: "Ndeko re'i kuri Jesús ndi avei". Ha mbohapy jey Pedro he'i ndoikuaáiha Jesús pe, Jesús he'i haguéicha chupe. Pedro he'i kuri Jesús pe ndojapóichene ha upea.




Kokorokokoo

Ha upéi jave, pe gallo osapukái. Ha'ete Ñandejára ñe'ë Pedro pe guarã. Ha imandu'avo Jesús he'i vaekue chupe, Pedro tuicha ojahe'o.




Judas ombyasyeterei avei. Oikuaa porã Jesús ndoguerekóiha mba'éve ivaiva ni angaipa. Judas ogueraha jey umi 30 viru itati ha umi pa'i kuéra ndoipotaveima chugui. Judas omombo pe viru, oho okape ha ojejuvy.



Umi pa'i kuéra ogueraha Jesús pe Pilato rendape, pe Roma mburuvicha. Ha Pilato he'i "Che ndatopái mba'éve ivaiva ko karia'yre." Ha'e kuéra osapukái ha he'i: "Emosãingo kurusúre! Emosãingo kurusúre!"




Upémarõ Pilato, oñemoĩ porãségui hendive kuéra, omoĩ ipópe kuéra Jesúspe oñemosãingo haguã kurusúre. Upéi umi ñoraĩrõhára oinupã chupe iñakãme peteĩ takuárape, ha ondyvu hese. Ha oñopẽ ñuatĩgui peteĩ akãngora ha omoĩ Jesús akãre. Ha upéi omosãingo hikuái Jesús pe kurusúre omano haguã.



15

Jesús oikuaa porã vaekue ha'e omanotaha upéicha. Ha'e oikuaa avei kuri pe imano oguerutaha angaipa ñemopotĩ hembiaapo vaiva pe ha ojeroviava hese. Mokõi mondaha

avei oñemosãingo kurusúre Jesús ndive. Peteĩ ojerovia Jesúsre – ha oho Jesús ndive yvágape ha pe ndojeroviai vaekue nahaniri.




16

Ha heta aravo ojenupã rire, Jesús he'i: "Oikopáma oiko vaerã" ha omano. Hembiaapo kuéra oikopama. Ha iñangirũ kuéra oñoty chupe peteĩ itakua ojejo'ó vaekuépe.



17

Umi ñoraĩrõhára kuéra Romanova omboty pe itakua juru ha opyta oma'e pe itakuare ani avave oike tera ose uepgui.




18

Ha pea mba'e paha rire, mba'éichaite ñañembyasyta. Ha Ñandejára ojapo peteĩ mba'e iporãpa jepeva. Jesús ndopytái omanohápe.




19

Upe pyharevete peteĩha ára jave, peteĩ Jesús remimbo'e kue otopa pe ita omboty vaekue pe ita juru ose hendagui. Upemarõ oma'ẽ hyepype ha Jesús ndaiporiveima upepe.



20

Peteĩ kuña opyta hase hina pe itakua ykere. Ha Jesús ojechauka chupe! Ha ha'e oñani pua'e oho he'i haguã ko mba'e umi Jesús remimbo'e ku'era pe. "JESÚS OIKOVE JEY! JESÚS OU JEY PE ÑEMANOGUI!"



21

Ha pua'ente avei Jesús ou umi hemimbo'e kuéra pe ha ojechauka chupe kuéra ojekutu hague ipope. Ha pea añetete. JESÚS OIKOVE JEY! Ha ohejarei Pedro pe he'i vaekue ndoikuaaiha chupe, ha he'i hemimbo'e kuéra pe to mombé'u opavavepe ha'e oikove jeyha. Ha upéi oho yvága pe ha'e ou haguegui.

22

Tupã ra'y ára peteĩha

Peteĩ moñe'érã Ñandejára Ñe'ẽ gui, Ñandejára Ñe'ẽ

ojetopa hina pe

Mateo 26-28, Lucas 22-24,
Juan 13-21

"Ne Ñe'ẽ kuera oikevo ome'ẽ tesape."
Salmos 119:130

Ñandejára oikuaa ñande jajapoha mba'e vai, Ha'e ombohérava angaipa. Ha upe ñenupã angaipa rehe ha'e hina ñemano.

Ñandejára ñande raihuetérei ha ombou Ita'ýra, Jesús, omano haguã Kurusu re omopotĩ haguã ñande angaipa. ¡Ñandejára oikovejey ha oho jey Yvagape! Ko'agã Ñandejára ikatu ohejarei ñande angaipa kuéra.

Nde rehejaserõ umi nde angaipa kuéra, ere Ñandejára pe: Ñandejára, che aguerovia Jesús omano hague ha oikove jeyha. Ejumina che rekovepe ha ehejarei che angaipa kuéra ikatu haguã agueroko peteĩ tekove puahu ko'agã ha upeicha ai haguã Nendive opa ára. Che pytyvõ aiko haguã Ndeve guarã Nde ra'yicha. Taupéicha. Juan 3:16

¡Emoñe'e Ñandejára Ñe'e ha eñe'e Ñandejára ndive ko'ẽ ha ko'ẽre!